

Ln

1350

1871

ԴԻՏՈՂՈՒԹԻՒՆ

Ի ՎԵՐԱՅ ԱՄՈՒՍՆԱՑԵԱՆ ¹⁹ 99

ԵՒ

ԺՈՂՈՎՐԴԱԿԱՆ ՀՈՎՈՒՌԹԵԱՆ

ԳՐԵԱԼ

Ի ՓԱԴԷՏ ՄԻՀՐԴԱՏԵԱՆԷ՛

ԴՈՐՄ ԼԳՐ ՀԵՂԻՆԱԿԻՆ



Կ. ՊՕԼԻՍ

ՏՊԱԳՐՈՒԹԻՒՆ Յ. ԳԱՅԱՑԵԱՆ

— 1881 —

ԼԵՆ
1350

ԴԻՏՈՂՈՒԹԻՒՆ

Ի ՎԵՐԱՅ ԱՄՈՒՍՆԱՑԵԱԼ

ԵՒ

ԺՈՂՈՎՐԴԱԿԱՆ ՀՈՎՈՒՈՒԹԵԱՆ

ԳՐԵԱԼ

Ի ԹԱԳԷՈՍ ՄԻԶՐԻԱՏԵԱՆԷ

ԳՈՐԾ ԼԳՐ ՀԵՂԻՆԱԿԻՆ



28318-62

Կ. ՊՕԼԻՍ

ՏՊԱԳՐՈՒԹԻՒՆ Յ. ԳԱՅԱՑԵԱՆ

— 1871 —

679

43701-Ա.Է.

ԴԻՏՈՂՈՒԹԻՒՆ

Ի ՎԵՐԱՅ ԱՄՈՒՍՆԱՅԵԱԼ

ԵՒ

ԺՈՂՈՎՐԴԱԿԱՆ ՀՈՎՈՒԹԵԱՆ

ԱԶԴ

Հետեւեալ համառօտ 'Իտողութիւնը, որ ամուսնացեալ կղերականութեան վրայօք գլորութիւն մ'է, 'ի խնդրոյ Մեծապատիւ Մարկոսեան Գրիգոր Էֆէնտիին գրեցինք, 1866 օգոստոս 19 թուականին, որ ատեն ինքը Ազգային առժամանակեայ Խառն Ժողովոյն Ատենապետն էր. բայց յետոյ խնդիրը իմացուելով՝ շատ մը հետաքրքիր և օրինաւորութիւն սիրող Անձինք մեր նուաստութենէն խնդրեցին՝ որ սոյն տեղեկութիւնը հրատարակեմք հասարակութեան. վասնորոյ մենք ալ նոյնը փոքր ինչ ընդարձակելով, ահաւասիկ կը հրատարակեմք առ 'ի տեղեկութիւն բանասիրաց և ճշմարտասիրաց:

28 1353

1350-60 9

Առ Մեծապատիւ Գրիգոր Էփէնտի Մարկոսեան քաջարթուն Ատենապետ առժամանակեայ Ազգային Խառն Ժողովոյն Կ. Պօլսոյ :

1866 օգոստոս 19 'ի Պօլիս :

Ազնիւ բարեկամ,

Մեր նուաստութենէն անցեալ օր խնդրեցիք թէ, արդեօք կրնայ ամուսնացեալ մէկ անձ մը՝ իւր կենդանութեանը կենը թողելով կղեր կամ վանական դառնալ, և թէ այս խնդրոյն վրայօք ինչ ապացուցական վկայութիւն կայ արդեօք մեր եկեղեցական պատմութեան մէջ, եւ այլն : Եւ ահա Ձեր խնդիրը կատարելով մեր գիտցածներէն մէկ քանին առնելով յիշատակարաններէն և եկեղեցական պատմութիւններէն համառօտակի կը նշանակեմք աստ. որք են,

Առաջին. — Ի բաց առնելով Առաքելոց դասուն մէջէն, մէկ քանին՝ որ ամուսնացեալ էին. այսինքն Պետրոս, Փիլիպպոս և այլք, որոնք որ մեր Փրկիչը ընտրեց խտրութիւն չընելով, կամ լաւ եւս այս խնդրոյս վրայօք արգելք մը չդնելով, այլ և ի բաց առնելով առաջին և երկրորդ դարերուն ընդհանուր եկեղեցւոյ մէջ երեւցած ու մեզի ծանօթ եղած ու չեղածները, այլ միայն մեր Ազգային եկեղեց-

ւոյն մէջ երեւցածներէն կ'սկսիմք, որոնք նշանաւոր էին. Նախապէս այն է մեր հոգեւոր Հայրն և Առաքեալն յԱստուծոյ Գրիգոր Լուսաւորիչը, որ երրորդ դարուն վերջերը երեւցաւ, ու ինքը ամուսնացեալ էր և որդւոց ու զաւակաց տէր. բայց և այնպէս ի սկիզբն չորրորդի դարուն յԱստուծմէ կոչեցաւ և ընտրեցաւ ի Գահանայութիւն տանս Հայոց, որուն Բարեպաշտուհի կ'ինն ալ կենդանի էր. բայց սա կայ որ ինչպէս որ իւր սրբասէր կ'ինը Մարիամ կուսաստան մտաւ, նոյնպէս և ինքը Լուսաւորիչ Հայր մեր հրաժարելով աշխարհէն Սեպուհ լեառը առանձնացաւ :

Երկրորդ. — Սորա որդին Սուրբ Վրթանէս ամուսնացեալ էր և զաւակաց ալ տէր, սակայն կաթողիկոս եղաւ Ազգիս Հայոց, ինչպէս որ սորա որդին ալ Սուրբ Գրիգորիոս կաթողիկոս եղաւ Աղուանից :

Երրորդ. — Միւս որդին Վրթանէսի և թոռն Լուսաւորիչին Սուրբ Յուսիկ ամուսնացեալ էր, և երկու զաւակ ունէր, Պապ և Վրթանսդինէ, բայց հրաժարելով աշխարհէն՝ ըսել կուղեմք կնոջմէն, քահանայապետութիւն վարեց տանս Հայկայ. բայց պատմութիւնը մեզի չյայտնէր թէ արդեօք, ասոնք ալ հրաժարած ժամանակնին իրենց կանայքը կուսաստան մտնէն, թէ առանձին կեանք վարեցին Լուսաւորչոյնպէս :

Չորրորդ . — Մեծն Ներսէս Սրբազան Հայրապետը , որ Աթանաղինէի որդին և Յուսկան Սրբազան Հայրապետին թոռն էր և ամուսնացած , բայց և այնպէս իր կնոջը կենդանութեանը Լուսաւորչայ աթոռը բազմեցուցին զինքը , որոյ կինը իշխանուհի մընէր Յունաց ազգէն Սանդուխտ անունով , բայց պատմութիւնը չը յայտնէր թէ՛ հայրապետական կարգը առած ժամանակը իւր կնոջմէն հրաժարած ըլլայ , այլ միայն իր սրբութեանը ու մեծագործութեանը նայելով , մանաւանդ մէկ զաւակ մ'ալ ունեցած ըլլալուն համար , այսչափ մը կրնայ ենթադրուիլ , որ 'ի հարկէ իր պապերուն ընթացքին հետեւելով հրաժարեցաւ իւր կնոջմէն . նա մանաւանդ իր կենդանութեանը իւր կինը վախճանած և Սուրբ Սահակ որբ մնացած էր :

Հինգերորդ . — Սորա որդին Սուրբ Սահակ Պարթեւ հայրապետնիս ալ աշխարհ մտած էր . բայց աղօտիւ կերելի թէ իր կնոջմէն հրաժարելէն զկնի Սուրբ օծումը ընկալաւ . քանզի մէյմը որ զինքը դժուարաւ համոզեցին աշխարհք մտնելու , յորդորելով թէ Լուսաւորչայ շառաւիղը մնայ , քանզի ինքը միայն մնացեր էր Լուսաւորչայ սերունդէն , մէյմ'ալ որ իրեն արու զաւակ չի տալուն համար Աստուած , շատ տրտմեցաւ ու տրտմութեանը մէջ այն հրաշալի և միանգամայն Ազգիս և անոր քու-

հանայապետութեան վրայ դալիք աղետալի տեսիլքը տեսնալով , միայն իր մէկ հատիկ Սահակնուշ դուստրովը մխիթարուեցաւ : Եւ ահա ասոնք են չորրորդ և հինգերորդ դարերուն մէջ երեւցածներն : Կամ լաւ եւս նշանաւորներն են , որովհետեւ 'ի հարկէ ասոնց օրինակին հետեւող քահանայք , վարդապետք և եպիսկոպոսունք ալ դառնուեցան , որոնցմէ անուանինքը և պատմութեանց մեղի ցուցուցածները նշանակեցինք , ու վերստին կը նշանակենք :

Վեցերորդ . — Անցնելով վեցերորդ , եօթներորդ և ութերորդ դարերուն մէջ յայտնուած ու չյայտնուածները , այլ իններորդ դարուն մէջ նշանաւորն է Զաքարիա իշխանն Կոտայեցի , որ ամուսնացեալ աշխարհական անձ մի էր . բայց իր իմաստութեանը ու վարուց կատարելութեանը համար , զինքը հրաւիրելով եպիսկոպոսաց և Ազատաց ժողովը , մի և նոյն օրուան մէջ սարկաւադ , քահանայ , եպիսկոպոս և կաթողիկոս ձեռնադրեցին՝ ՏՅԷ թուականին , այլ սակայն պատմութիւնը յայտնի չցուցնէր , որ կնոջմէն հրաժարեցուցած ըլլայ ժողովը . այլ կը մակարերեմք թէ՛ իւրաքանչիւր անձին կամացը թողած էին նախնի հարք մեր . այսինքն կամ հրաժարէին և կամ չի հրաժարէին , երկուքինն եւս ընդունելի էր և է եկեղեցւոյն . այլ միայն թէ առաւել եւս օրի-

նաւոր համարուած էր և է հրաժարական տա-
լը . եթէ ինքը կատարեալ և առաքինի և աղ-
գասէր է , ինչպէս որ կարգն ալ այնպէս կը
պահանջէ , որ իսկապէս այցելու հովիւ ըլլայ
հօտին , աշխարհային և ընտանեաց զբաղմուն-
քէն հեռի մնալով և միայն իրեն յանձնուած
հօտը օրինաւորապէս արածելով . ապա թէ ոչ
ունի նա ժուժ՝ ու այն ձիրքերը և կատարելու-
թիւնները , շատ լաւ է , կամ իսպառ չըլլայ
հովիւ , և կամ եթէ ըլլալու ըլլայ՝ իր ամուսնէն
չբաժանի , առաքելոյն պատուէրին հետեւելով
թէ՛ եթէ ոչ ունի ժուժ՝ ամուսնացի , կամ ա-
մուսնացեալ է այնպէս մնացէ , և եթէ եպիս-
կոսոս է միոյ կնոջ այր լինել պարտաւոր է . և
ոչ բաղմաց . . . որ օրինաւորապէս կատարէ
իրեն յանձնուած պաշտօնը՝ գայթակղութիւն
մը չի տալով ժողովրդեանը , քանզի օրինակ է
հօտին և առաջնորդ :

Եօթներորդ . — Տասներորդ դարուն մէջ
Խոսրով Մեծն Անձեւացեաց գաւառին եպիսկո-
սոսը , որ ամուսնացած էր և երեք հատ դա-
ւակ ունէր , որոնցմէ երեւելին է Սուրբն Գրի-
գոր Նարեկացին , բայց պատմութիւնը ինչպէս
վերոյիշելոցս՝ նմանապէս սորա համար ալ որո-
շակի չի գրէր , թէ արդեօք զկնի հրաժարելոյն
կնոջմէն՝ ընկալաւ աստիճան եպիսկոպոսու-
թեան , կամ ամուսնէն չի հրաժարելով , այլ
այսքան մը յայտնի կերեւի պատմութենէն ,

որ ինքը սուրբ և ընտիր անձ մի լինելով , նաեւ
իր հասակը լեցած ըլլալով , հրաժարած պի-
տի ըլլայ աշխարհէն , ինչպէս որ մէկ երեւելի
ողտովիչ մ'ալ այնպէս կը գրէ , բայց սա կայ
որ , իր առաջնորդութեան ժամանակը , կինը
ողջ էր կրօուի , և Լուսաւորչայ կնոջը պէս անա-
պատ կամ կուսաստան երթալու հարկ մը չէր
գրուած վրան , ու այն օրինակ գրուած մ'ալ
չկայ , ըստ որում պատմութիւնն ալ ասոր վրա-
յօք որոշակի բան մը չի գրէր , ուստի կեն-
թագրեմք թէ , ինչպէս արանց , նոյնպէս և
կանանց ալ իրենց կամացը և բաղձանացը թող-
ուած էր անապատանալ կամ ոչ , այլ միմիայն
թէ սիրով և միմիանց կամեցողութեանը՝ ուխ-
տին ու ջերմեւանդութեանը վերաբերեալ էր
հարկաւ :

Ութերորդ . — 980 թուականին՝ երանելին
Սիմէոն վանականը , որ ինքը ազատ տոհմէն անձ
մի էր , և այնպէս կը կարծուի թէ ինքը վա-
նական ըլլալ կը ցանկար , բայց իրեն ծնողացը
հրամանէն բռնադատեալ ամուսնացաւ , այ-
սու ամենայնիւ առանց մերձեանալու 'ի կինն
իւր , ըստ օրինակի Սրբոյն Ալեքսիանոսի տու-
նէն խոյս տուաւ , և դնաց կամբջածորոյ և Սե-
ւանու վանքը կրօնաւոր եղաւ : Բայց խնդիր է
թէ , ասանկներուն կինը վերստին ամուսնացան
արդեօք . կըսեմք , որքան որ պատմութիւնը
այդ մասին վրայօք բան մ'ալ չի գրէր նէ .

բայց խնդիրը յայտնի է, թէ այսպիսի իրողութեանց մէջ կոչումը ըստած մէկ խորհուրդ մը կայ, և այն կոչումն ալ Աստուածային է, և ոչ մարդկային, ուստի այն անձը, որ ընտրելով պիտի կոչէ նէ Աստուած իրեն պաշտօնեայ կացուցանելու համար, հարկաւ համբերութեան շնորհք մ'ալ կուտայ անոր ամուսնոյն. և երբ այն շնորհքը փախցնելու որ ըլլայ թեւադրութեամբ սատանայի, յայնժամ ինքն ալ նոյն շնորհքէն զրկուելով աշխարհին ետեւէն կերթայ, որով կամ կամուսնանայ ուրիշի մը հետ, և կամ այնպէս կը մնայ. որով յայնժամ այրը իր հոգեւոր բաժինը կառնու յաւիտեանական իր ուխտը և սուրբ կոչումը կատարելով, և կինն ալ իր աշխարհային բաժինը կառնու վաղանձուկ իր մարմնաւոր բաղձանքը կատարելով. և ասով մեղադրելի չըլլար այրը, իւր կինը թողած ըլլալուն համար. քանզի իւր կինը թողելով մէկ ուրիշի մը հետ չի կապուիր կոր, այլ Աստուծոյ հետ. վասնորոյ կինն ալ համբերել պարտ է. քանզի համարելու է թէ, եթէ մէկ անտանելի և մշտատեւ հիւանդութեան մը հանդպելու ըլլայ այրը, ինչ պիտի ընէր, չէ որ իւր ցաւը առաւել եւս պիտի սատկանայր, ու համբերութիւնը լրանալով յուսահատութեան մէջ պիտի մնար յայնժամ, վասնորոյ այս բանին չի զայրանալով և զինքը Աստուծոյ կամացը յանձնելով համբերելու

պարտաւոր է, և ըստ որում Աստուծոյ խորհուրդը անքննելի է, վասնորոյ կրնայ ըլլալ որ երբեմն մարդուն ջերմեռանդութեանը և կնոջ անառակութեանը նայելով, Աստուած այնպիսի այրը կորոչէ ու կառնէ իրեն պաշտօնեայ ընտրելով, և երբեմն մահուամբ 'ի կեանս վերափոխելով 'ի յանդիմանութիւն և 'ի զգաստութիւն կնոջը. վասնորոյ ինչպէս ըսինք համբերել պարտ է, և այսպիսի իրողութեանց մէջ գիտնալու է որ՝ Աստուծոյ մատը կայ, քանի որ Աստուծոյ մատը, որ է ըսել Աստուծոյ կամեցողութիւնը կայ նէ այն բանին մէջ, և երբոր ինքն ալ հաւատացեալ և ջերմեռանդ քրիստոնեայ է նէ, փառք տալով Աստուծոյ, որով կամ ինքն ալ՝ եթէ կը հաճի՝ կուստատան երթալու է, կամ առանձին կեանք վարելու է համբերութեամբ. բայց եթէ այսպիսի իրողութեանց մէջ այր և կին միմեանց հաւանութեամբը և խորհրդովն եղած ըլլան, շատ փափաքելի է և օրինաւոր:

Իններորդ. — Մետասաներորդ դարուն մէջ երեւցաւ Գրիգոր Վկայասէր բաղմարդիւն վարդապետը, որ էր 'ի տոհմէ Պահլաւկաց 'ի զարմէ Սուրբ Լուսաւորչի, որ իր սրբութեանը և անարատ վարուցը համար զինքը կաթողիկոս կարգեցին, թէեւ ինքը ամուսնացած էր և մեծ պաշտօնի հասած և մինչեւ անգամ Դրբսութեան պատիւ ընկալած էր Յունաց կայս-

րէն, բայց երանելին ունայնութիւն աշխարհի համարելով՝ բոլորէն ալ հրաժարեցաւ, ու առաքինական ու վանական վարուք փառաւորուելով, ինչպէս ըսինք ամենայն Հայոց կաթողիկոս ալ եղաւ : Անցնինք յետագայ դարերուն մէջ երեւցածներուն :

Տասներորդ. — Երեքտասանդարուն վերջերը, այսինքն 1285 թուին Եղնկայու Առաջնորդ երեւելին Սարգիս եպիսկոպոս որնոր աշխարհք մտած էր և զաւակ ալ ունէր, և իր կինն ալ ողջ էր, բայց նա հրաժարելով աշխարհէն, Սեպուհ Լեառը Սուրբ Լուսաւորչայ վանքը առանձնացաւ, և ետքը Եղնկայու առաջնորդ կարգուելով շինութեան և բարեկարգութեան մէջ պահեց նոյն վիճակը : Սորա զաւակայր համար կըսուի թէ՛ որդւոց յորդի մինչեւ ցհընդետասաներորդ դարն յաջորդաբար առաջնորդ կարգեցան Եղնկայու, իրենց պապը Սարգիս եպիսկոպոսը նոյն վիճակը բարեկարգելուն և շինութեան մէջ պահելուն համար, որոնց անունը յականէ կը յիշուին, Ղադար, Մարտիրոս, Թադէոս և այլք : Անցնինք հետեւեալ դարուն մէջ պատահածներուն :

Մետասաներորդ. — Հնգետասաներորդ դարուն սկիզբը, 1420 թուոյն երեւցաւ վարդապետ Դատվանցին, որ և Բաղիշեցի ալ կը կոչուի, սա եւս ամուսնացեալ էր. բայց հրաժարելով աշխարհէն միայնութեան կեանք

վարեց, և ասոր 1421 թուին նահատակեցաւ արիական մահուամբ, ի ձեռն Շամչատին ամիրային : Անցնինք միւսները յետագայ դարուն :

Երկուտասաներորդ. — Եօթնեւտասաներորդ դարուն սկիզբը (1610. ամին) Կիրակոս վարդապետ Տրապիզոնցին, այր մեծագործ և բարեկարգիչ վանօրէից, սա երեւելի և հարուստ անձ մի էր և զաւակաց ալ տէր, սակայն հրաժարելով ամուսնէն՝ կրօնաւորութեան կարգը մտաւ, ժամանակին դառնաւ զէշութիւններուն և վանօրէից շինութեան դարման և օգնութիւն մ'ընելու դիտաւորութեամբ, որ և իր նպատակին ալ հասաւ. այսինքն՝ աչակցութեամբ Սաղմասավանից առաջնորդին Սարգիս եպիսկոպոսի՝ բազում շինութիւն և բարեկարգութիւն ըրաւ կործանեալ և խանդարեալ Հայաստանու վանօրէից, այլ և իւր ունեցած հարստութեան մէկ մասը՝ աղքատաց, մէկ մասը՝ Տրապիզոնի եկեղեցւոյն, և մէկ մասն ալ վանօրէից բաշխեց, այս առաքինի դիւցաղն Անձը և ճշմարիտ Հայրենասէրն ու Կրօնասէրը, արդեօք ո՞ր են այժմ այսպիսի Հայերը . . . :

Երեքտասաներորդ. — Նոյն Եօթնեւտասաներորդ դարուն մէջ երեւցաւ Ղուկաս վարդապետ Տաշրացին աղնուական տանէն, որ հրաժարելով աշխարհէն, Ղեւոնդ Անապատը գընաց և անդ կրօնաւորեցաւ բազում շինութիւն

առնելով յիշեալ Անապատին : Մորա որդին էր Մելիք Եգան հռչակաւոր իշխանը , որ Շուշայ մօտ գտնուած Տող լեռաւ ձեռք բերելով՝ բոլոր շրջակայ Պարսիկներն ու Թուրքերը կը սասանեցնէր Նատիրշահին ժամանակը :

Զորեքտասաներորդ . — Նոյնպէս և Եօթնեւտասաներորդ դարուն վերջերը Մեսրոպ վարդապետ Տողեցին , սա ալ հրաժարելով կնոջմէն , Աւետարանաց գիւղի անապատը առանձնանալով վարդապետ եղաւ , և կարծի թէ սա յիշեալ Մելիք Եգանին որդին էր :

Հնգեքտասաներորդ . — Տէր Սիմէօն քահանայն , որ վերոյիշեալ Ղուկաս վարդապետին որդին էր , որնոր ութեւտասաներորդ դարուն սկիզբները , այսինքն՝ 1724 թուին եպիսկոպոս ձեռնադրուելով Ղարաբաղու մէջ Կոիչայ վանուց Առաջնորդ կարգուեցաւ , վերոյիշեալ Մելիք Եգանին միջնորդութեամբը , և Համատանցի Աստուածատուր կաթողիկոսին հաճութեամբն ու ձեռնադրութեամբը :

Ասոնցմէ 'ի զատ' կը թողումք ժամանակ ժամանակ այրի մնացեալ անձինք քահանայ , վարդապետ ու եպիսկոպոս լինելն , որոնց համար հասարակօրէն շուշտակ կըսուի , և դեռ մեր ժամանակին ալ այսօր շատեր կան , որոց անունները մեր խնդրոյն չվերաբերելուն համար հարկ չէ որ նշանակեմք . այժմ հարկ կը համարվի միւս եկեղեցեաց մէջէն մեզի ծանօթ

եղածներէն մէկ քանին ալ դնել , որ չըլլայ թէ տգէտ ոմանք միայն մեր եկեղեցւոյ վերաբերէն այս ըմբռնումը , այլ համոզուին որ նախնի եկեղեցեաց ընդհանուր ընթացքը այս էր , որք են ,

Վեշտասաներորդ . — Մետրոփանէս եպիսկոպոս Ա. որ երրորդ դարուն վերջերը Հայրապետ էր Բիւղանդիոյ , և ինքը Հռովմի Կայսերաց ցեղէն եկած ու ամուսնացած էր :

Եօթնեւտասաներորդ . — Միւռոն սքանչեւ լագործ Կրետացի Սուրբ Հայրապետը , ամուսնացեալ էր , եկաց 'ի վերջն երրորդի դարուն և վախճանեցաւ 'ի մէջ չորրորդի դարուն և էր հարիւրամեայ :

Ութնեւտասաներորդ . — Զորրորդ դարուն մէջ Գրիգոր Աստուածաբանին հայրը ամուսնացած էր . և Նազիանզու գաւառին եպիսկոպոս եղաւ , բայց որոշ չէ պատմութիւնը թէ , արդեօք կնոջը կենդանութեանը եղաւ եպիսկոպոս , և թէ կինը վախճանելէն զկնի :

Իննեւտասաներորդ . — Զորրորդ դարուն վերջերը երեւցաւ Սուրբ Գրիգոր Նիւսացի , սրբոյն Բարսղի Կեսարու հայրապետին եղբայրը , որ ամուսնացեալ քահանայ էր , և ետքը եպիսկոպոս կարգեց եկեղեցին նոյն Նիւսա քաղաքին , իւր իմաստութեանը ու կատարելութեանը համար . ասոր ալ պատմութիւնը մութ է՝ կնոջմէն հրաժարելուն ու չհրաժարելուն և կամ վախճանելոյ մասին :

Քսաներորդ . — Նոյնպէս և չորրորդ դարուն մէջ երանելին Գանիէլ Ասորին , որ Սուրբ Լուսաւորչի աշակերտն էր , և սորա համար կը կարծուի որ , աշխարհիկ քահանայ էր , և ապա Քոր եպիսկոպոս կարգեցաւ Լուսաւորչէն , և մինչեւ անգամ կաթողիկոս ալ ընտրեցաւ . յետ նահատակութեան Սուրբ Յուսկան հայրապետին , ինչպէս որ ետքը երանելին նահատակեցաւ անօրէն Տիրան արքային ձեռքը խեղդամահ ըլլալով :

Քսանեւմէկերորդ . — Սուրբն Նեղոս Աբբալ աշակերտ Ռսկեբերանի որ մեծաղբի անձ մի էր և Նպարդոս Կ. Պօլսոյ . բայց հրաժարելով ընտանիքէն իր կինը և երկու դուստրը կուսանաց վանքը դրաւ և ինքը իր Թէոտուլոս որդին առնելով , առանձնացաւ Սինայ լեռը , և անդ Աբբայ և ուսուցիչ եղաւ կրօնաւորաց և բազում արդեամբք վախճանեցաւ 450 ամի փրկչին :

Քսաներկուերորդ . — Նմանապէս և Սիմէօն միայնակեաց ամուսնացեալ էր , բայց հրաժարելով կնոջմէն նա ալ առանձնացաւ , եւայլն , եւայլն :

Քսաներեքերորդ . — Ուրբանոս Պապն Հռովմայու՝ որ ամուսնացեալ էր յառաջագոյն , բայց հրաժարելով ամուսնէն հայրապետ եղեւ Հռովմի :


Քսանեւորրորդ . — Աղէքսանդր Բ. որ ա-

մուսնացեալ էր և զաւակաց ալ տէր , բայց ի վերջոյ հայրապետ եղաւ Հռովմի , եւայլն , եւայլն :

Եւ ահա ասոնց պէս ալ Հռովմայ պապերուն մէջ երրորդ դարէն մինչեւ ցիններորդ դար կը գտնուին ամուսնացեալ , և կամ ամուսնացեալ եպիսկոպոսներ նոյն Հռովմայ հայրապետաց դաւադանադրոյն մէջ . զորոնք մի առ մի ապացուցանելը չափազանցութիւն համարելով . Ձեր Մեծապատուութիւնը չճանճրացընելու համար բաւական համարեցինք այսքանս , ուստի կրտսք թէ ապաքէն մինչեւ ցայս վայր կարծեմ ըստ բաւականին կարողացանք ապացուցանել . թէ ամուսնացեալ անձինք , թէ իրենց յօժար կամօքը , և թէ Ժառանգութեան զտնուող առաջնորդին հաճութեամբք՝ կրնան հրաժարիլ յաշխարհէ , և վանական քահանայ , փարդապետ և եպիսկոպոս ձեռնադրուիլ , և մինչեւ անգամ՝ կաթողիկոս լինել , բովանդակ Աղգին հաճութեամբք , միայն թէ բանը իրենց արժանաւորութեանը և ուխտին վրայ է :

Գրեալ 1866 օգոստոս 19 .

Կ. Պօլիս ի Սամաթիայ .



1641
28318-62

ՈՒՂԵՐԶ

ՎՍԵՄԱԾԱՅԼ ԳՐԻԳՈՐ ԷՍԷՆՏԻ

ՄԱՐԿՈՍԵԱՆ

Ազգասէր Տէր :

Ներքոյ գրեալ աշխատասիրութիւննիս որ
Ձեր խնդրանօքը գրած էինք, նոյնը այժմ հրա-
տարակել արժան դատելով Ձեր անուանը կը
նուիրեմք, յուսալով որ ներքոյ գրութիւննիս
Ձեր փափաքանայ համաձայն և Ազգիս ողջա-
միտ մասէն ընդունելի կըլլայ. տպագրութեան
հոգ տարի, որպէս զի թէ Ձեր խնդիրքը և
թէ մեր աշխատութիւնը անօգուտ ելած չ'ըլ-
լայ. ընդունեցէք Տէր իմ անկեղծ շնորհակա-
լութեանս հաւաստին, որով Մնամ անկեղծ բա-
րեկամ Ձեր :

ԹԱԴԷՈՍ ՄԻՀՐԻԱՏԵԱՆ



Գին 60 փարայ :

ՀՀ Ազգային գրադարան



NL0108453

